

МОНГОЛ УЛСЫН ЗАСГИЙН ГАЗРЫН ЗАРИМ ЧИГ ҮҮРГИЙГ ОРОН НУТАГТ ТӨЛӨӨЛӨН
2023 ОНД ХЭРЭГЖҮҮЛЭХ ГЭРЭЭНИЙ ХҮРЭЭНД БАЙГАЛЬ ОРЧИН, АЯЛАЛ
ЖУУЛЧЛАЛЫН САЛБАРТ ХАМТРАН АЖИЛЛАХ 23-10 ТООТ ГЭРЭЭНИЙ БИЕЛЭЛТЭД
ХЯНАЛТ-ШИНЖИЛГЭЭ, ҮНЭЛГЭЭ ХИЙСЭН АЖЛЫН ТАЙЛАН

2023 оны 11 сарын 29

Мандалговь хот

НЭГ. ХЯНАЛТ-ШИНЖИЛГЭЭ, ҮНЭЛГЭЭНИЙ ЗОРИЛГО

Байгаль орчин аялал жуулчлалын сайд, аймгийн Засаг даргатай байгуулсан хамтран ажиллах гэрээний хэрэгжилтэд хяналт-шинжилгээ, үнэлгээ хийж, үйл ажиллагааны гүйцэтгэлийн үр дүнг хянах, үнэлэх, дүгнэлт зөвлөмж гаргах, үйл ажиллагааны төлөвлөлт, хэрэгжилт, тайлагналтыг сайжруулж, цаашид гарах үр дүн, үр нөлөөг нэмэгдүүлэхэд оршино.

ХОЁР.ХЯНАЛТ ШИНЖИЛГЭЭ, ҮНЭЛГЭЭНИЙ ҮНДЭСЛЭЛ, АРГА ЗҮЙ

Байгаль орчин аялал жуулчлалын сайдтай байгуулсан аймгийн Засаг даргын хамтран ажиллах гэрээний 2023 оны жилийн эцсийн хэрэгжилтэд хяналт-шинжилгээ, үнэлгээг Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 6.2-т заасан арга зүйгээр Хөгжлийн бодлого, төлөвлөлт, хөрөнгө оруулалтын хэлтсээс ирүүлсэн тайланд үндэслэн хяналт-шинжилгээ, үнэлгээ хийлээ.

Байгаль орчин аялал жуулчлалын сайдтай аймгийн Засаг даргын байгуулсан хамтран ажиллах гэрээний 2023 оны эхний хагас жилийн хэрэгжилтийн явцад хяналт-шинжилгээ, үнэлгээг хийж хэрэгжилт удаашралтай арга хэмжээний жагсаалтыг гарган холбогдох хэлтэст хүргүүлэн цаашид анхаарах асуудал дээр зөвлөмж өгч ажилласан.

ГУРАВ.ХЯНАЛТ-ШИНЖИЛГЭЭ, ҮНЭЛГЭЭНИЙ ҮР ДҮН

Байгаль орчин, аялал жуулчлалын салбарт 2023 онд хэрэгжүүлэх арга хэмжээний төлөвлөгөөг 9 зорилтын хүрээнд 46 ажил тусган хэрэгжүүлэхээр төлөвлөсөн. Эхний хагас жилийн хэрэгжилтэд явцын хяналт шинжилгээ хийхэд 70.3 хувьтай байсан ба жилийн эцсийн байдлаар 96.7 хувьтай хэрэгжүүлсэн байна. 2023 оны улсын төсвөөр хэрэгжүүлэхээр 8 ажлын саналыг хүргүүлсэн боловч, төсөв батлагдаагүй. Үүнээс 3 арга хэмжээг орон нутаг, хувийн хэвшлийн хөрөнгө оруулалтаар хэрэгжүүлэн ажилласан бөгөөд 5 арга хэмжээг улсын төсвийн хөрөнгө оруулалт шийдвэрлэгдээгүй учир хэрэгжээгүй байна.

Нийт 46 арга хэмжээ хэрэгжүүлэхээс 37 арга хэмжээ 100 хувь, 80 хувь - 1, 55.8 хувь -1, 30 хувь-1 хэрэгжсэн байна. Гэрээгээр хүлээсэн арга хэмжээг

хэрэгжүүлэхийн тулд улсын төсвийн 86.0 сая.төг, орон нутгийн төсвийн 267.9 сая.төг, хувийн хэвшлийн 366.7 сая.төг, байгууллагын төсвийн 7.1 сая.төг, төсөл хөтөлбөрөөс 218.0 сая төгрөг, нийт 945.7 сая төгрөгийг дээрх арга хэмжээнүүдэд зарцуулсан байна.

Гэрээний хэрэгжилтийг жилийн эцсийн байдлаар зорилт тус бүрээр харуулбал:

№	Зорилтын нэр	Арга хэмжээний тоо		Хэрэгжилтийн хувь
1	Байгаль орчны холбогдох хууль тогтоомжийн хэрэгжилтийг хангах	8		94.5
2	Ногоон хөгжлийн бодлогын хэрэгжилтийг хангах талаар	2		100
3	Хүрээлэн буй орчин байгалийн нөөцийг хамгаалах	9		100
4	Усны нөөцийг зүй зохистой ашиглах, хамгаалах	5		96
5	Тусгай хамгаалалттай газар нутгийг хамгаалах	4		82.5
6	Ойн нөөцийг хамгаалах, “Тэрбум мод” хөдөлгөөнийг өрнүүлж, зорилтын хэрэгжилтийг хангах	5		100
7	Аялал жуулчлалыг хөгжүүлэх талаар	4		100
8	Уур амьсгалын өөрчлөлтийг сааруулах, дасан зохицох үйл ажиллагаа	1		100
9	Улсын төсвийн хөрөнгө оруулалтаар гүйцэтгүүлэх ажлууд	8	5	-
			3	100
10	Дүн	46		96.7

ҮР ДҮНТЭЙ ХЭРЭГЖСЭН ОНЦЛОХ АЖЛУУД:

“Мод тарих, арчлах аргачлал, ногоон байгууламжийн төлөвлөлт хийх талаар 1486, аялал жуулчлалын чиглэлээр 15, хог хаягдлын чиглэлээр 125, салбарын албан хаагчдад чадавхжуулах чиглэлээр 65, Биологийн олон янз байдлын чиглэлээр 24, Нийт 35 удаагийн сургалтад 4295 иргэн хамрагдсан. Уг арга хэмжээнд Байгаль хамгаалах нөхөн сэргээх арга хэмжээний зардлаас 3.1 сая төгрөгийг зарцуулав.

“Тэрбум мод” үндэсний хөдөлгөөн “Дундговио ногоорууль” хөтөлбөрийн хэрэгжилт 94%-тай хэрэгжсэн бөгөөд “Бүх нийтээр мод тарих үндэсний өдөр”-өөр 141 аж ахуйн нэгж, байгууллагын 1284 иргэн 99944 мод, сөөгийг тарьж арчилгаа, усалгаа хийж, нийт модны тоо 285529-д хүрч, тарьсан модны талбайн хэмжээ өмнөх жилээс 4,2 хувиар өсөв. Улсын төсвөөр 326.0, орон нутгийн төсвөөр 72.0, хувийн хэвшлийн хөрөнгөөр 90.0 сая төгрөг зарцуулж, Нийт 99944 мод, сөөгийг тарьснаас 76.0 хувьтай ургуулсан байна.

“БҮХ НИЙТЭЭР МОД ТАРИХ ӨДӨР”-ИЙГ УГТСАН
“ДУНДГОВИО НОГООРУУЛЪЯ” ҮЗЭСГЭЛЭН ХУДАЛДАА



СУРГАЛТАД УРЬЖ БАЙНА

- ОЙЖУУЛАХ
- МОД ТАРИХ, АРЧЛАХ
- МОД ҮРЖҮҮЛГИЙН ГАЗАР ҮР МӨЧРӨӨР ТАРИХ
- НАРИЙН НОГОО ТАРИХ

Зохион байгуулагч: "Ногоон-Ази" ТББ
Байгаль орчин, аялал жуулчлалын газар
Сум дундын ойн анги
Хугацаа: 2023.03.24


Сонирхсон нэгдэл хэлбэр байна уу.
88097482

ӨӨРЧЛӨЛТИЙГ ХӨРДАСГЭЭ

ТА ХЭР ИХ УС ҮРГҮЙ ЗАРЦУУЛДГАА НЭГ БОДООРОЙ

МАНАЙ ДЭЛХИЙН ЕРДӨӨ 2.5% НЬ ЦЭВЭР УС

WORLD WATER DAY | 22 MARCH 2023




Байгаль хамгаалах, нөхөн сэргээх арга хэмжээний зардлаар хэрэгжүүлж буй Усны чиглэлээр Хүн амын унд ахуйн эх үүсвэр дээр усны дүн шинжилгээнд нийцсэн ундны ус, эрүүл ахуйн шаардлага, чанар аюулгүй байдлын стандартыг хангасан тус бүр 2 тн нөөцийн савтай цэвэршүүлэх төхөөрөмжийг Говь-Угтаал, Хулд, Эрдэнэдалай сумдад тус бүр 1, Адаацаг суманд 2, нийт 4 сумын 5 ундны усны эх үүсвэр дээр суурилуулж, 4 булгийн эхийг хашиж хамгаалж, 6 сумын 39 булгийн онцгой хамгаалалтын бүсэд тэмдэг байршуулж, 2 газарт зэрлэг амьтадыг ундаалах хөв цөөрөм байгуулсан байна. Орон нутгийн төсвөөс 125.3 сая төгрөг зарцуулсан нь үр дүнтэй хэрэгжсэн байна.




Монголд зочлох жилийн хүрээнд Цагаан суварга байгалийн үзэсгэлэнт газрын “Сэтгэшгүй оддын чуулган”, Их газрын чулуу байгалийн цогцолборт газар “Уяхан замбуу тивийн наран урлагийн их наадам”, Адаацаг сумын “Сүм хөх бүрд” байгалийн дурсгалт газарт “Адуучны өв соёлын баяр” зэрэг эвент арга хэмжээнд Нийт 4 эвент арга хэмжээнд 42583 гадаад, дотоодын жуулчид үзэж сонирхсон. Айхотел ХХК-тай хамтран ажиллах ДУЗДТГ-ОНХО/2022/35+1 гэрээ байгуулж Дундговь аялал жуулчлал, бизнес эрхлэгчдийн гар утасны платформыг хийлгэсэн зэрэг ажлуудыг

хүлээн авсан. Улс, орон нутгийн төсвөөс 170.5 сая төгрөг зарцуулсан нь үр дүнтэй хэрэгжсэн байна.

7.3 Байгаль, түүх, соёлын аялал жуулчлалын эвент зохион байгуулав



2023 онд Дундговь аймагт гадаад, дотоодын 79316 жуулчин ирсэн нь өмнөх оноос гадаад, дотоодын жуулчид 1 - 2 дахин өссөн үзүүлэлттэй байна.



ДӨРӨВ. ДҮГНЭЛТ

Монгол Улсын Засгийн газрын зарим чиг үүргийг орон нутагт төлөөлөн хэрэгжүүлэх арга хэмжээний төлөвлөгөөний жилийн эцсийн хэрэгжилтэд хяналт шинжилгээ, үнэлгээ хийж, үр дүнг 96.7 хувьтай буюу “Тодорхой үр дүнд хүрсэн” гэж үнэлж, үнэлгээний саналыг хүргүүлж байна.

Улсын тусгай хамгаалалттай газруудын менежментийн төлөвлөгөөг боловсруулах заалт нь Загийн ус, Дэлгэрхангай уул, Бага газрын чулуу улсын тусгай хамгаалалттай газруудад менежментийн төлөвлөгөө боловсруулах ажлыг Гурвансайхан ХХК, Эрдэнэс алт ресурс ХХК-д шаардлагатай төсөв мөнгийг менежментийн төлөвлөгөөнд тусгахаар саналыг хүргүүлсэн боловч хөрөнгө шийдэгдээгүй.

ТАВ. ЗӨВЛӨМЖ

Хөгжлийн бодлого, төлөвлөлт, хөрөнгө оруулалтын хэлтэст:

1. Засгийн газрын зарим чиг үүргийг орон нутагт төлөөлөн хэрэгжүүлэх арга хэмжээний төлөвлөгөөг боловсруулахдаа суурь түвшин, хүрэх түвшнийг судалгаа шинжилгээ болон бодлогын баримт бичгийн төлөвлөлттэй уялдуулан төлөвлөх
2. Тайланг гаргахдаа шалгуур үзүүлэлтийн дагуу хүрэх түвшинд хүрсэн эсэхийг тайлагнахаас гадна үр дүн, үр нөлөөний талаар тайлагнаж хэвших мөн нотлох баримтыг тайланд хавсаргаж байх
3. Дараа оны гэрээний төсөлд хэрэгжиж болохуйц, үр дүнтэй тодорхой ажлуудыг тусгуулахаар саналыг хүргүүлэх, Төсөв хөрөнгө нь тодорхойгүй ажлыг төлөвлөхгүй байхыг яам руу уламжилж хамтран ажиллах

БАТАЛГААЖУУЛСАН
АЙМГИЙН ЗАСАГ ДАРГА Ц.МӨНХБАТ

ХЯНАСАН
ХЯНАЛТ ШИНЖИЛГЭЭ, ҮНЭЛГЭЭНИЙ ХЭЛТСИЙН
ДАРГА Д.ДААРИЙМАА

ТАЙЛАН БИЧСЭН
ХЯНАЛТ ШИНЖИЛГЭЭ, ҮНЭЛГЭЭНИЙ ХЭЛТСИЙН
АХЛАХ МЭРГЭЖИЛТЭН Э.ОДОНЧИМЭГ